

Paulunê papia gêdêḅ lau **PILIPI**

Paulunê papia gêdêḅ lau Pilipi nec ḅac tau keto gêjac Gôlôac ḅamataḅa, taḅ eḅ kêwaka sa aḅga masanḅ Airopa naḅ ḅawae. Malac Pilipi gêc Macedonia, taḅ lau Rom sêjaḅgo su kêtḅ nêḅ gamêḅ naḅ. Aposolo gêḅgôḅ kapoacwalô, tec keto papia tonec. Eḅ gêmoa tonê ḅalêlôm ḅawapacgeḅ gêdêḅ ḅasawa tonanḅ gebe kômwaga ḅagêdô sêsôm sêôc ênê biḅ auc ma mêtê dansanḅ kêpi sa aḅga gôlôac Pilipina, tec kêkêḅ wapac eḅ gêwiḅ. Mago biḅ têtac ḅajam to têtac êpa suḅa gêjam papia tau auc, ḅam kêsêp Paulu kêkêḅ gêwiḅ Jesu Kilisi tonanôgeḅḅa.

Paulu keto papia tau ḅamanô tonec gebe ênam danḅe lau buḅa aḅga Plllpl êtu gêḅ, tê sêsakinḅ gêdêḅ eḅ nêga. Êsêac sêpuc eḅ tôḅ gêdêḅ têm, taḅ eḅ gêḅgôḅ jageo naḅḅa. Eḅ gêlic gêḅ gwalêkinḅ kêlênsôḅ eḅ tau to êsêac gêwiḅ amboac taḅ, tec keto biḅ êpuc êsêac têtac tôḅḅa to awa eḅgeḅ êsêacḅa ma ôliḅ andanḅ Anôtôḅa kêsêp papia tonec gêwiḅ-gêwiḅ. Go gêjam nenenḅ êsêac gebe sêmboia to tetoc taḅ sa atommanḅ, sêkêḅ taḅ sêsô Kilisi ḅalabu tosêmbu taḅgeḅ. Eḅ gêôḅ biḅ tonec sa gêdêḅ êsêac taêḅ ênam êtiam gebe sêsa nêḅ lêḅ têtôm Kilisi gêbiḅ êsêac tôḅgac nê, ac taḅ sêwê kainḅ kêtḅ sêmasanḅ Judanêḅ biḅsu totanḅem wamugeḅ ma sêjop êsêacnêḅ om to gêḅ ḅagôliḅḅa atom, Anôtônê moasiḅ gêdêḅ êsêac tec sêgôm. Ma moasiḅ tau gelom êsêac kêtḅ nêḅ sêkêḅ gêwiḅḅageḅ. Gocgo keto têtac wapi to biḅmalô, taḅ Anôtô gêsḅḅ ḅaômageḅ gêdêḅ lau,

taŋ Kilisi gêbiŋ êsêac tôŋ naŋ, ŋawae gêdêŋ êsêac amboac tonanŋeŋ.

Lau buŋa sêkêŋ êwiŋ to sêsa nêŋ lêŋ totêntac wapigeŋ ma totêntac êpa sugen ma sêŋgôm to sêôc nêŋ geŋ sênsiŋ sugenŋa ŋabiŋ gêjam sêga anŋa papia tonec ŋalêlôm. Paulu tau têtac gêwiŋ gôlôac Pilipiŋa ŋanôgeŋ naŋ kêtû awê anŋa papia tau gêwiŋ.

Nadênaŋ

1. Paulu gêjac m papia tau 1:1-11
2. Paulu tau nê biŋ ŋagêdô 1:12-26
3. Dambiŋ taŋ tôŋ tamiŋ Kilisiŋa 1:27-2:18
4. Paulu gêwa Timote agêc Epropoditi nêŋ kôm ŋam sa 2:19-30
5. Paulu gêjam ja lau buŋa gebe sejob taŋ êndêŋ ŋacjo, taŋ sêmoa dêmôêŋŋa to gêŋ gêdib êsêac gêc lêlômŋa naŋ 3:1-4:9
6. Paulu to nê lau Pilipiŋa 4:10-20
7. Paulu gêjac mata papia tau 4:21-23

Paulu gêjac m nê papia

¹ Kilisi Jesu nê sakiŋwagaagêc Paulu agêc Timote ma biŋ êndêŋ Anôtônê lau samob, taŋ Kilisi Jesu gêbiŋ êsêac tôŋ sêŋgôŋ Pilipi naŋ, ma êndêŋ gejobwaga to sakiŋwaga êwiŋ. ² Tameŋi Anôtô agêc Apômtau Jesu Kilisi nêŋ moasiŋ to biŋmalô êndêŋ amac êwac.

Paulu keteŋ mec kêtû lau Pilipiŋa

³ Aê gajam danŋe ŋoc Anôtô kêtôm têm samob, taŋ taêc gêjam amac naŋ. ⁴ Kêtôm têm samob, taŋ kateŋ ŋoc mec kêtû amac samobŋa naŋ, kateŋ totêntac ŋajamgeŋ, ⁵ gebe ŋawae ŋajam gêô lasê amac wakucgeŋ, tec ajam ŋakoleŋ awiŋ aê amoa e

mênghédên galoc. ⁶ Aê kajala kêtü tön gebe Anôtô, tañ gêjac m kolen njam tau anga nê m nälêlôm nañ, oc ênac dabin kolen tau êndên Kilisi Jesu nê bêc. ⁷ Aê taêc gêjam amac gêc ñoc nälêlôm napan, tec gagôm jagêdêngeñ gebe taêc gêjam bin tonan kêpi amac samob. Ñam gebe gêdên tañ gêngôn kapoacwalô to gêdên tañ gamoa awê ma gajam nawa njam kêsî to kapuc mêtê tön nañ, amac awê kain moasin, tañ Anôtô kêkên gêdên aê nañ awin. ⁸ Aê gajam aoc su amac samob ñam kêsêp Kilisi Jesu nê taê walô aêacña. Anôtô kêjala gebe kasôm binñanô.

⁹ Aê kateñ ñoc mec tecenec gebe Nê m têtac gêwin ñanô esewec napan ma ajala gên to awa gên samob êkôc e napep, ¹⁰ ec ajala gên njam tau ma amoa tonê m nälêlôm ñakênkên ma tolanômnê m sawagen e êndên Kilisinê bêc. ¹¹ Ma binghédên ñañanô, tañ Jesu Kilisi taugen êkên nañ, ênam amac auc gebe Anôtônê nawasi to wae êsa.

Kilisi kêtü aêac dangôn maten jali ñamôké

¹² O lasitêwaac, aê gabe jakên nawaê êndên amac anô gebe bin, tañ kêtap aê sa nañ, kêmoasin nawaê njam ñanôgen. ¹³ Sinwaga tañ sejop gôlinwaganê andu nañ, to lau ñagêdô samob sêjalagac, gebe aê gêngôn kapoacwalô kêtü Kilisina. ¹⁴ Ma ñoc kapoacwalô kêkên lasitêwai taêsam, tañ Apômtau gêbin êsêac tön nañ, sêkên gêwin najan kêsâ, tec têtêc tau ñ atom ma sêsôm Anôtônê mêtê lasê totêntac kêpa sugen.

¹⁵ Lau ñagêdô sêwa Kilisi sa kêtü têtac sec to têtac ñandanña, mago ñagêdô tec sêjam mêtê tonên nälêlôm njamgen. ¹⁶ Lau tau tonan sêgôm kêtü

têntac gêwinja. Êsêac sêjala gebe Anôtô kêkênj aê gebe janam njawae njam kêsi. ¹⁷ Lau njagêdô ônê sêsôm Kilisi lasê tonênj njalêlôm makengej atom, sêgôm kêtû tauj waenja ma sebe sêkênj gêjwapac êkônij aê êwinj njoc kapoacwalôgej.

¹⁸ Biñ tonanj kêlênsônj aê atom. Aê têtac njam gebe sêsôm Kilisi lasê njalênj tokainj-tokainj. Lau njagêdô sêsau sêbanac biñ, ma njagêdô sêsôm to-biñnanôgej. ¹⁹ Ma aê oc têtac njam njapanj gebe aê kajala amac atenj nêmc kêtû aênja amoa, ma Jesu Kilisi nê Njalau ênam aê sa, tec gêjwapac tonec oc êtu moasinj êndênj aê. ²⁰ Aê taêc kêka to kakênj matoc njanôgej, gebe gêj tenj êngôm aê majoc êsa atom. Aê jamoa matoc jali me jamac êndu, mago jangôm Kilisinê wae êsa nj tauc ôlic totêtac êpa sugenj. Gêmungej gagôm, ma galoc amboac tonanj. ²¹ Kilisi kêtû njoc gêjngônj matoc jali njam, ma embe jamac êndu, oc gêmac tau êtu njoc moasinj. ²² Embe jamoa matoc jali anja nom êtu jatap kolenj njanô njagêdô sanja, nanj oc japô lêna gebe jajalinj ondoci sa. ²³ Biñ luagêc tonec kêlênsônj aê njanô. Aê têtac gêwinj gabe janac tauc lêtênj jamoa jawinj Kilisi, tonec tec galic njam kêlêlêc. ²⁴ Mago kêtû amacnja tec gabe jangônj nom tonec. ²⁵ Njoc njalêlôm kêsaê, tec kajala gebe jamoa jawinj amac samob ma janam amac sa êtu nêmc akênj gêwinja gebe atôp ma akênj êwinj totêmtac njamgenj. ²⁶ Aê embe jamu jandênj amac jawac tenj êtiam, oc êngôm amac awem êoc Kilisi Jesu njanô-njanô êtu aênja.

²⁷ Biñ tagenj tonec tec gêc gebe Asa nêmc lênj njapep atôm Kilisinê njawae njam, ec embe jawac, nanj jalic me embe jamoa jaêc, go janô njawae gebe akô njanja

totêmtac tagen ma anac siñ apuc taôm tôñ êtu akênj gêwiñ ñawae ñajamña. ²⁸ Atêc nê m ñacjonênj gênj teñ atomanô. Biñ tonañ êwa sa êndênj nê m ñacjo gebe oc sênaña, ma êwa sa êndênj amac gebe oc aku êsêac tulu, gebe Anôtô ênam amac kêsi. ²⁹ Anôtô kêmoasiñ amac kêtú Kilisiña ña lênj luagêc, teñ gebe akênj gêwiñ eñ, ma teñ gebe aóc wapac kêtú eñña gêwiñ amboac tonanjen. ³⁰ Ma siñ, tañ gêmunña alic aê gajac ma galoc anô ñawae gebe gajac gamoanaj, amac taôm anac amboac tonanjen.

2

Lau buña sêkônij tauñ têtôm Kilisi kêkônij tau

¹ Amac asaê gebe Kilisi kêpuc amac tôñ me masi. Ênê têtac gêwiñ amac gêjam malô amac me masi. Ñalau dabuj gêbiñ amac tôñ me masi. Amac taêm walô to têtac gêwiñ taôm me masi. ² Embe amboac tonañ, go anac dabiñ aê têtac ñajam êsa samucgen ma anjôm amboac tonec gebe taêm ênam gênj tagen to têtac êwiñ tagen êmbiñ amac toñ amoa tonê m ñalêlôm tagen ma aperiñ biñ tagen. ³ Anjôm gênj teñ êtu amboa taôm nê m awa to waemgenña atom. Ambu taôm to atoc lau ñagêdô sa sêlêlêc amac taôm acgom. ⁴ Taêm ênam amac taôm nê m ñênjen atom, taêm ênam lau ñagêdô nêñ êwiñ. ⁵ Amacnê m ñalêlôm êtôm Kilisi Jesu nê acgommanj.

⁶ Eñ tec katu kêtôm Anôtô, mago taê gêjam gebe inj katu tonañ tôñ atom, ⁷ kêkac tau su anja nê ñawasi ma gêjam sakiñ katu kêtôm ñamalac to gêgôm gênj samob kêtôm ñamalac sêgôm. ⁸ Eñ kêkônij tau ma taña wamu ñapanj e gêmac êndu anja kakesotau.

⁹ Kêtu bin tonanña Anôtô ketoc en sa ñanô ma gê ñaê, tañ kêlêlêc ñaê samob su nañ, kêpi en, ¹⁰ gebe ñaê Jesu tonec oc êkêñ êsêac peben, tañ sêmoa undambê to sêmoa nom ma sêmoa nom ñalêlôm nañ, sêpôn aenduc, ¹¹ ma imbelen samob sêsôm lasê gebe Jesu Kilisi kêtu Apômtau gebe Tama Anôtônê wae êsa.

Tatu nom ñaja

¹² O ñoc lauace, gêdêñ tañ gamoa gawiñ amac nañ, tañem wamu ñapañ. Ma galoc gamoa jaêc tec anğôm anac ñawae êtôm tônêgeñ. Atêc to anam go taôm gebe anac dabiñ nêñ lêñ Anôtô ênam amac kêsiña, ¹³ gebe Anôtô tau gêjam kôm gêmoa nêñ ñalêlôm ma kêkac amac gebe anğôm ênê bin ñanô êsa e ênac mataanô ñajam.

¹⁴ Anğôm nêñ gêñ samob tobiñ diñdiñ atom ma taêm ênam naêsa-naêsa atom, ¹⁵ gebe asa nêñ lêñ lanğomnêñ sawa tonêñ ñalêlôm ñakêñkêñ atu Anôtônê ñapalê mansañ, amoa lau sec to geo ñalêlôm. Apô êsêac atôm utitalata sêpô gamêñ. ¹⁶ Andêñ mêtê mata jali tôñ. Embe anğôm amboac tonañ, go awaka aê waec sa êndêñ Kilisinê bêc e êwa aê sa gebe kasa ñoc lêñ to gajam ñoc kolen kêjaiñ tauc ñaôma atom.

¹⁷ Embe sêkêñ aê jatu da êtu amac akêñ gêwiñña, nañ oc têtac ñajam ma jatu samuc jawiñ amac samob. ¹⁸ Amboac tonañ amac têmtac ñajam ma atu samuc awiñ aêgeñ.

Timote agêc Epaproditi nêñ bin

¹⁹ Aê taêc kêka gebe Apômtau Jesu êlôc ma jasakiñ Timote seben êndêñ amac êwac, gebe janô amac waem êpuc aê tôñ acgom. ²⁰ Aê katap ñac

tenj sa, tanj taê gêjam binj kêtôm aê to kêpô sim tau kêtû amacña amboac ñac tonec nanj atom. ²¹ Êsêac ñagêdô samob taêñ gêjam Jesu Kilisi nê binj atom, taêñ gêjam tauñ nêñ binjenj. ²² Amac ajala gebe enj kêwaka tau sêñac, gêjam sakinj ñawae ñajam gêwiñ aê kêtôm latu gêwiñ tama. ²³ Aê kakêñ matoc gebe jakêñ ñac tonanj êndêñ amac êwac ñagaôgenj, tagenj gabe jansaê ñoc binj e êtu katô acgom. ²⁴ Aê taêc kêka Apômtaugenj gebe jandêñ amac jawac sebenj amboac tonanjenj.

²⁵ Aê taêc gêjam binj tenj kêtû tônj gêwiñ gebe jakêñ aêac lasinji Epaproditi, tanj amac asakinj enj gebe mênênam aê sa nanj, êmu êndêñ amac êwac. Enj gêjam kôm to gêjac sinj gêwiñ aê ñapep. ²⁶ Ênê ñalêlôm kêkac enj kêtû amacña ma gêmoa jageo ñanô gebe amac anô ênê gêmac ñawaegac. ²⁷ Binjanô, gêmac kapôênj gêgôm enj e kêsa panj sêawa, mago Anôtô taê walô enj ma taê walô enj taugenj atom, taê walô aê gêwiñ, gebe êsalê gêñwapac ñagêdô êpi aê êwiñ atom. ²⁸ Amboac tonanj kêkacgenj gebe jakêñ enj wacamac alic enj, ec têtmac ñajam êsa êtiam, ma ñagêñwapac êlêwanj aê saunjenj. ²⁹ Amboac tonanj akôc enj sa totêtmac ñajamgenj. Atôc lau amboac tonanj sa êtu Apômtau gêbinj amac tônña, ³⁰ gebe enj kêsa panj sêawa kêtû Kilisinê koleñña ma gêjam sakinj aê gim tau su gebe ênac dabinj sakinj, tanj amac ajac m nanj.

3

Binjêdêñ ñanô

¹ O ñoc lasitêwaac, aêñoc binj ñagêdô tonec gebe Apômtau êñgôm amac têtmac ñajam êsa. Aê ôl ic

ņakam gebe jato biņ tonan êtiam-êtiam nec atom. Biņ tonanņeņ oc êpuc amac tōņ amoa ņajam.

² Ajop taôm êndêņ kolenwaga sec. Ajop taôm êndêņ êsêac, taņ sêgôm mêtê sêsa lau wauc-waucgeņņa nan. Ajop taôm êndêņ êsêac, êsêac kêam. ³ Aêac tec sêsa aêac ņanô. Anôtônê ņalau kêkac aêac, tec tajam sakin Anôtô ma aêac waen ņam kêsêp Kilisi Jesu. Aêac taen kêka gêņ ôliņņa ten atom. ⁴ Aê oc jatôm gebe taêc êka gêņ ôlicņa amboac tonan. Ten embe taê ênam gebe taê êka gêņ ôliņa, nan aê oc jaņgôm êlêlêc su. ⁵ Aê tonec sêsa aê gêdêņ ņabêc kêtû 8ņa. Aê ņac Israelņa ten anğa Benjaminnê gôlôac. Aê Ebolainêņ Ebolai ten, ma kamasan biņsu katôm Parisai sêmasan. ⁶ Aê kêlênsôn gôlôac dabuņ gajac ņawaegen. Aê kasa bi ņsu ņalêņ tolanôcnêm sawagen e sêlic aê amboac ņac gêdêņ. ⁷ Gêņ samob tonan galic amboac gêņ ņanô, mago galoc galic gebe gêņ ņaôma kêtû Kilisiņa. ⁸ Biņņanô, aê galic gêņ samob tonan ņai amboac gêņ ņaôma, tagen tonec tec galic kêtû gêņ ņanô kêlêlêc su. Gêņ ņanô tau gebe kajala ņoc Apômtau Kilisi Jesu kêtû tōņ. Kêtû ņac tonecņa tec gawi gêņ samob tonan ņai siņ ma galic kêtôm lêndêm gebe jakôc Kilisi sa êtu gêņ ņanô, ⁹ ma aê jatu ênê gêņ. Aê gawê kain tauc ņoc biņgêdêņ, taņ ņam kêsêp taņoc wamu biņsuņa nan, kêtiam atom. Galoc aê gawê kain biņgêdêņ, taņ ņam kêsêp takêņ gêwiņ Kilisiņa nan, biogêdêņ taņ gêmêņ anğa Anôtônê nan, ņam kêsêp takêņ gêwiņ. ¹⁰ Biņ tagen tonec aê gabe jatap sa gebe jajala Kilisi to ņaclai, taņ gêņu en sa nan, êtu tōņ, ma jaêc ênê ņandan jawiņ e jatôm en, taņ gêmac êndu nan, ¹¹ ec moae jatap jandi anğa ņacmatênêņ

sa jawinj.

Talêti tapej ñanô lau

¹² Aê kakôc ñanô tau su atom tagen, ma gajac dabinj tauc gêbacnê atom tagen. Gocgo kapuc gedenj tôngenj tec gamoa, gabe jakôc ñanô tau tôj, gebe Kilisi kékôc aê tângac. ¹³ O lasitêwaac, aê kêsae gebe kakôc ñanô tau tôj atom tagen. Binj tagen tonec tec jasôm gebe Binj langwa nanj jalinj sinj ma japuc gwêc êtu gêj, tanj gêc aênoc nêmnja nanjenj, gebe najakôc. ¹⁴ Aê kêlêti kapej ñabelo gebe jatap ñanô sa. Ñanô tau Anôtônê kalem ôja, tanj kêkêj Kilisi Jesu kékalem aê nanj.

¹⁵ Aêac tanj tatu kwalam langwa su nanj, samob taêj ênam binj amboac tonanj acgom. Ma embe taêm ênam binj tej eso, nanj Anôtô oc êwa sa êndêj amac. ¹⁶ Tagenj tasa nêj lêj tandanguc ñagôlinj, tanj gêwê aêac ñapanj e mênjêdêj tonec nanj.

¹⁷ O lasitêwaac, atêku aêmanj ma asala êsêac, tanj sêpuc aêac wa enj nanj. ¹⁸ Aê kasôm gêdêj amac kêtú dim taêsam sugac ma galoc jasôm tomatoc-sulugenj gebe Êsêacnêj taêsam sêmoa, tanj nêj lêj kêwaka êsêac sa gebe êsêac têtú Kilisinê kakesotau ñañacjo. ¹⁹ Êsêacnêj lêjtêpôê gebe sênaña. Têntacwalô kêtú nêj anôtô ma êsêac tetoc tau ñ sa kêpi gêj, tanj kêtôm gebe êngôm êsêac majenj êsa. Êsêac taêj gêjam gêj nomñagenj. ²⁰ Aêacnêj malacmôkê ñanô tê gêc undambê. Tec daônj tamoa gebe kêsiwaga Apômtau Jesu Kilisi anja tônê êmênj. ²¹ Enj oc êpô aêac ôlinj ñaôma langwa ôkwi tatôm enj tau nê ôli ñawasi. Enj êngôm gêj tonanj ñanô êsa ña ñaclai, tanj kêtôm gebe êkêj gêj samob êsô enj ñalabu nanj.

4

¹ O ñoc lasitêwaac, aê têtac gêwiñ to gajam aoc su amac, gebe amac tec agôm aê têtac ñajam ma atu aêñoc gêlôñ. O lauace, amboac tonañ akô ñajaña, gebe Apômtau gêbiñ amac tôniaç.

Paulu gêlêñ biñ lau

² Aê jalêñ biñ awêlagêc Ewodia agêc Suntuku gebe sêmoa têtac tagen êtu Apômtauña. ³ Ma aê gabe jatenj aôm, ñoc ñac, tañ gôjam kôm ñañêñgenj gôwiñ aê nañ, gebe ônam awêlagêc tonañ sa, gebe êsêagêc sêjam kôm ñawae ñajamña sêwiñ aê têtôm Klemen to lau-sêjam-kôm-sêwiñ-aêwaga ñagêdo, nañ nêñ ñaê gêc buku matenj jaliña.

⁴ Têmtac ñajam ñapanj gebe Apômtau gêbiñ amac tônia, ma jasôm êtiam gebe Têmtac ñajam. ⁵ Anôm nêñ gêñ totêmtac wapôm êwa amac sa êndênj ñamalac samob. Apômtau kêdabiñçac. ⁶ Apô sim taôm atom. Gêñ tenj embe êñgôm amac, nañ atenj to atañ êndênj Anôtô todañgegenj. ⁷ Ma Anôtônê biñmalô, tañ ñam kêlêlêc kauc to kauc nomña samob su nañ, ênsôb nêñ ñalêlôm to biñ, tañ taêm gêjam nañ, samob sa êkanônia Kilisi Jesu.

⁸ O lasitêwaac, aê jasôm biñ tenj êwiñ acgom gebe Biññanô to biñ mansañ ma biñ gêdênj to biñ ñawa ma biñ tañô ñajamña to biñ ñapep ma biñ ñañêñ to piñ wae ñajamña tenj, biñ samob tonañ ñai taêm ênam êtu tônia amac. ⁹ Biñ tañ kadônia to kakêñ gêdênj amac ma biñ, tañ añô to alic aê gagôm nañ, anôm amboac tonañ. Ma biñmalô ñatau Anôtô oc êwiñ amac.

Paulu gêjam dançe kêtû sêkêñ genj sêjam enj sanja

10 Apômtau kékêñ aê têtac ñajam kêsa samucgen gebe amac amoa ec ñêñgen e galoc ôlim palê kêsa kêtiam gebe anam aê sa. Amac abe anam aê sa, mago ñalêñ masi. 11 Aê kasôm biñ tonañ kêtú kapô lêna gêñña atom. Aê kadôñ tauc gebe gen ñagec-ñagec, tañ jatap sa nañ, kêtôm aê. 12 Aê kajala tapô lêna gêñña. Aê kajala danğôñ moasu ñaôña. Aê kajala gêñ samob tonañ kêtú tônia tomalagen. Ñasawa teñ aê gaen gêñ e gêoc aê tônia, ma ñasawa teñ mo gêjô aê. Ñasawa teñ aê katap ñoc gêñ taêsam sa, ma ñasawa teñ kapô lêna gêñ. 13 Aê katôm gêñ samob tonañ ñai kêtú Kilisi, tañ kêpuc aê tônia nañña.

14 Ma amac agôm ñajam gebe aoc ñoc gêñwapac awiñ. 15 Amac lau Pilipi taôm ajalagêc gebe gêdêñ tañ gawa ñawae ñajam sa kêtú ñamata ma gawi Makedonia siñ nañ, gôlôac dabuñ teñ sêpuc aê tônia ma aêac akêñ gêñ teñ gêjô tau atom, amac taômgen. 16 Gêdêñ tañ gamoa Tesaloniki nañ, amac ajam aê sa ma asakiñ gêñ kêtú dim luagêc. 17 Aê taêc kêka gebe akêñ gêñ êndêñ aêña nec atom, masi, aê taêc kêka amac gebe anam ñanô êlêlêc su e êmoasiñ amac. 18 Gêñ samob, tañ akêñ nañ, kêtap aê sa su ma gêñ tau kêlêlêc aê su. Gêñ tañ Epaproditi kêkôc anğa amacnêm gêmên nañ, mênkêlêsuc aêgen. Gêñ tonañ kêtôm ñamalu ñajam to da mansañ, tañ Anôtô gêlic gêjac mataanô ñajamanô nañ. 19 Ñoc Anôtô, tañ kékêñ Kilisi Jesu gêbiñ amac tônia nañ, kêtú gêñ tolêlôm-tolêlôm ñatau tonawasi. Enj oc êkêñ gêñ, tañ apô lêna nañ, êlêsuc êmacgen. 20 Ñawasi êndêñ aêac Tamenji Anôtô totêm-totêm. Biññanô.

Paulu gêjac mata nê biñ

²¹ Aê aoc gêjac Anôtônê lau samob, taŋ Kilisi Jesu gêbiŋ aêac tôŋ naŋ. Lasitêwai taŋ sêmoa sêwiŋ aê naŋ, awenŋ gêjac amac. ²² Anôtônê lau samob awenŋ gêjac amac, ma êsêac, taŋ aŋga kaisaranê anduŋa naŋ, taêŋ gêjam amac ŋanô.

²³ Apômtau Jesu Kilisi nê moasiŋ êwiŋ amacnê m ŋalau.

BIBOLO DABUN
The Holy Bible in the Yabem language of Papua New Guinea
Buk Baibel long tokples Yabem long Niugini

Copyright © 1980 Bible Society of Papua New Guinea

Language: Jabem (Yabem)

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-03

PDF generated using Haiola and XeLaTeX on 21 Feb 2024 from source files dated 31 Aug 2023

447e01c5-a375-5452-ae54-b3f890293eeb